

սարանները նման, իրենց քրոջ համար են ազօթում:

Դիմացի հարեւանի դուռն էմ ծեծում. պատասխան չկայ: Ուզում էմ բժիշկի հասցէ հարցնել: Խոր քնած են: Բախում էմ ուրիշ դռներ՝ լուռթիւն: Վերջապէս հիւանդապահուհին, քնած չէ, հիւր էլ ունի: Գալիս նայում է ու շուտ կանչում մօտը նստած հիւրին: Բժիշկ է: Երախան անմիջապէս պէտք է տանիլ հիւանդանոց: Կոկորդային դործողութիւն... կրուպ...:

Ժամը երկուսն է:

* * *

Առաւօտեան դէմ, հիւանդանոցի դրասենեակում ուժասպառ նստած, երեխա ոտքերը եռացած ջուրի մէջ էմ պահում:

Գիշերը մութ փողոցների ցեխերի մէջ տապալակելով մեր վագերը, հիւանդանոցի դուռը գարնելը: Անկողինից դուրս եկած բժիշկը: «Պատրաստեցէ՛ք դործողութեան սենեակը»: Ճերմակ շապիկը ու նրա հանգիստ դէմքը: Ու վերջին բոպէին կոնսիլիումի որոշումը: Փողոցներ ընկած դռնէ դուռ վագել, բժիշկներ արթնացնել: Խորհուրդը: Մեծ սենեակի մէջ սրտատրոփ սպասել «երախանների հիւանդութեանց» մասնագէտը, որը «եթէ աքտորուած չէ» անպատճառ պիտի դայ: Ու գալիս է, աքտորից մի երկու ժամ առաջ, «Հայաստանի վերջին քաղաքացին» բժշկելու: Ու նորից հեւի հեւ, փողոցները ընկնել սրսկման համար դեղարաններում ինչ որ հեղուկ փնտռելու համար: Ձանգերը դղրդացնել, անձրեւի տակ դռները քարով ծեծել, խուլ, քնած ձայնով հայհոյանքներ լսել, ազաչել, պաղատել՝ փրկելիցէ՛ք...:

Ահա, երախան փրկուած, չունչ է առնում: հիւանդանոցում տեղ չկայ, եւ մեզ զետեղել են դրասենեակում: Յուրտ է, վառարան չկայ: Անձրեւը պատուհանի վրայ լաց է լինում:

Մօտի մեծ սրահներից տառապանքի, ցաւի ձայներ եւ հառաչանքներ են գալիս: Վշտի տո՛ւնը: Մեծ սենեակներ, ուր տառապանքը ապրում է մշտապէս, կաղալով ման գալիս, հեծում ու գլուխը պատերին դարկում: Ճերմակ շապիկներ հագած մարդիկ եւ կանայք մեքենաբար անցնում են, իրենց ամենօրեայ դործը կատարում: Երբ մահը բախում է ուրիշների

դուռը, նրանք պաղարիւն դուռը բաց են անում եւ մեծ գրքերի մէջ արձանագրում: Ու նոյն պաղարիւնութեամբ դիմադրում են ճակատագրի հարուածներին, զոհը զոհաբերողի ձեռքից խլում եւ բնութեան օրէնքի դէմ օրէնք հաստատում:

Մեղանից ամէն մէկը օրերի սեմին առջեւ իր ճերմակ շապիկն է հագնում եւ, մեքենաբար, ճակատագրի հանդիպումը սպասում: Կեանքը գինում է մեղ իր ուրոյն գէնքերով, որ մենք ընդունում ենք անզգալբար, բնագոյրէն ու մտնում «իրերի շարժման մէջը»: Ի՞նչ կը լինէր մեր դրութիւնը, եթէ մի օր, ճերմակ շապիկը լքէինք եւ ճակատագրի առջեւ կանգնէինք դէմ առ դէմ ու հաչու պահանջէինք: Դէ՛ն նետէինք սովորութեան, դաստիարակութեան եւ աւանդութեան ճրիօրէն մեզ տուած գէնքերը եւ դիմէինք մեր էութեան մէջ թագնուած ուրիշ միջոցներին: Լինելու մեր կամքը հաստատէինք խորը այն իրականութեան մէջ, որը բանականութիւնից բախտաւոր է հրաժարուել, յանուն միակ իմաստութեան:

* * *

Երեխայիս աչքերի մէջ կեանքը կայծկլլտում է, դիշերը տեսած քառսի հիւլէի նման: Մահի մօտից անցած աչքեր, հիմա այլեւս խոր եւ դերագոյն իմաստներով հարուստ:

Ծանր կոպերը բաց են, թարթիչները տընկըւած եւ բիրերի մէջ տեսող ճառագայթներ է դրել: Այտերը ներս են քաշուել, չրթունքները սեղմուել են, ու ճակատը մոմի պէս դեղնել է: Հեռուից եկած այս ճամբորդը, ի՞նչեր պիտի կարողանար պատմել, եթէ մեր աղքատիկ բռները նրա ներքին աշխարհը աղաւաղած չլինէին:

Սեղանի առջեւ բժիշկը նստած, տետրակների մէջ ինչ որ բաներ է գրում:

— Այս սենեակը անյարմար է, — ասում է, — ցուրտ է, վառարան չկայ...:

— Տուն կարո՞ղ էմ տանիլ:

— Չէ՛ չէ՛, անկարելի է տեղից շարժել, եթէ կրկնուի՝ կորաւ...:

— Ո՞ր տունը, — հարցնում է երեխան:

Իսկապէս, ո՞ր տունը:

Բոլոր հայ երեխաները այդ հարցը կարող են տալ:

Ո՞ր տունը: